

ՀԱՅՈՑ ԵԿԵՂԵՑՈՒ ՆԵՐԿԱՅԱՑՈՒՑԻՋՆԵՐԸ ՄԱՍՆԱԿՆԵՑԻՆ «ՍԻՆԴԵՍՄՈՍ»-Ի ՅՈԹԵՐՈՐԴ ԽՈՐՀՐԴԱԺՈՂՈՎԻՆ

Հունվարի 20-26-ը Սանկտ Պետերբուրգի Հոգևոր Ակադեմիայում տեղի ունեցավ Ուղղափառ Եկեղեցիների «Սինդեսմոս» միջազգային երիտասարդական կազմակերպության ուղղափառ աստվածաբանական դպրոցների յոթերորդ խորհրդածողովը, որի մեկշաբաթյա նիստերին մասնակցում էին 50 երկրներից հրավիրված 100 մերկայացուցիչներ:

«Սինդեսմոս»-ը (հունարեն՝ միություն) գործում է 70-ական թվականներից և նպատակ ունի միավորել Ուղղափառ Եկեղեցիների երիտասարդ հոգևորականներին և աշխարհականներին, կապեր հաստատել աստվածաբանական դպրոցների, երիտասարդաց միությունների և նման այլ կազմակերպությունների միջև, ինչպես նաև մեծապես նպաստել փոքրի ու գիտելիքների փոխանակմանը:

Ասեմք, որ «Սինդեսմոս»-ի հերթական խորհրդածողովը մվիրված էր երիտասարդ սերնդի հոգևոր կրթության բարելավման ու առավել կարգավորման խնդիրներին:

Խորհրդածողովը բացվեց Սանկտ Պետերբուրգի Նորին Սրբազնություն Վլադիմիր միտրոպոլիտի օրհնության խոսքով: Ապա, դիմելով մասնակիցներին, միտրոպոլիտը ողջունեց նրանց և մաղթեց բարեհաջող աշխատանքային շաբաթ:

Մեկշաբաթյա նիստերի ընթացքում քրիստոնյա Արևելքում աստվածաբանական կրթության և երիտասարդության հոգևոր դաստիարակության գործում նրա դերի մասին զեկույցներ կարդացին Ռուս, Հույն, Ֆինն և Վյուս Ուղղափառ Եկեղեցիների մերկայացուցիչները: Յուրաքանչյուր զեկույցում ուղեկցվում էր ակտիվ քննարկումով, առաջադրվող հարցերին տրվում էին սպառնիչ պատասխաններ:

Այս տարի առաջին անգամ խորհրդածողովին մասնակցում էին նաև Հայաստանյայց Առաքելական Սուրբ Եկեղեցու մերկայացուցիչները՝ Գևորգյան Հոգևոր Ժեմարանի նախկին սաներ Արթուր սարկավազ Հայրապետյանը և Մամիկոն սարկավազ Ավետիսյանը:

Համաձայն նախնական պայմանավորվածության, Մոսկվայի Սուրբ Գրային աստվածաբանական ինստիտուտում վերապատրաստման եռամսյա կուրսեր կարող են անցնել Հայաստանյայց Եկեղեցու Հոգևոր դպրանոցներում դասավանդող ուսուցիչներն ու քահանաները: Ինստիտուտը պատրաստ է Հայոց Եկեղեցուն տրամադրել նաև համապատասխան հոգևոր գրականություն:

«Սինդեսմոս»-ի հերթական խորհրդածողովն իր աշխատանքներն

ավարտեց փակման հատուկ արարողությամբ, որը նախագահեց Սանկտ Պետերբուրգի Հոգևոր Ակադեմիայի տեսուչ գերաշնորհ Կոնստանտին Եպիսկոպոսը:

Մեկշաքայա միստերն ավարտվեցին հատուկ կազմակերպված վերջին ընթերիք-հավաքությո՜վ, որի ընթացքում յուրաքանչյուր Եկեղեցուց մեկ պատվիրակ իր շնորհակալության ու երախտիքի խոսքը հղեց ինչպես համաժողովի կազմակերպիչներին, այնպես էլ բոլոր մասնակիցներին:

Հանուն Հայաստանյայց Եկեղեցու հրաժեշտի խոսք ասաց Մամիկոն սրկ. Ավետիսյանը:

ԱՐԹՈՒՐ ՍՍՐԿԱՎԱԳ ՀԱՅՐԱՊԵՏՅԱՆ